

# Atuartup imminut nalilersornera/naliliiffiginera



Portfolio  
atorlugu nalilersuineq



Atuartut  
angusaannik nalilersuineq



Atuartup imminut  
nalilersornera/naliliiffiginera



Atuartoq  
qitiutillugu ataatsimeeriaatsit



Una najoqqutassiaq saqqummersitanut  
sisamaasunut ilaavoq:


- Portfolio atorlugu nalilersuineq
- Atuartut angusaannik nalilersuineq
- Atuartup imminut nalilersornera/naliliiffiginera
- Atuartoq qitiutillugu ataatsimeeriaatsit

**Atuartup imminut nalilersornera/naliliiffiginera**

Saqqummersitsisoq: Inerisaavik/Pilersuiffik, 2005  
Naliliisarnermut immikkoortortaqarfimmit  
Kalaallit Nunaanni atuarfimmuut naleqqussarlugu  
suliarineqartoq, Ministry of Education, British Columbiamit  
saqqummersinneqartut najoqqutaralugit.  
Ilioqqarnera: Inerisaavik/Pilersuiffik  
Naqiterisoq: Inerisaavik/Pilersuiffik  
Saqqaaani assiliisoq: Toornaq Consulting ApS  
Amerlassusai: 2000  
Inniminn. nr.: 6127 - 03

ISBN 87-585-1114-8

# Atuartup imminut nalilersornera/naliliiffiginera




Student self-assessment-imit nutsigaq (Assessment handbooks series).  
Curriculum Development Branch, Ministry of Education, Victoria, British  
Columbia. 1994.

## IMARISAI

Tunngavilersuutit . . . . .	6
„Atuartup imminut nalilersornera/naliliiffiginera“ sunaana? . . . . .	7
Sooq atuartut imminnut nalilersortassappat/naliliiffigisassappat? . . . . .	8
Atuartut imminnut nalilersortalernissaannut piareersarit . . . . .	10
Atuartut imminnut nalilersorneri suliaralugit aallartigit . . . . .	16
Atuartut nalilersugaat/naliliiffigisaat sumi atorfissaqarpat? . . . . .	19
Isumaliutigisassat . . . . .	29
Oqaatsit atorneqartut allassimaffiat . . . . .	30
Angusakka . . . . .	32

# Tunngavilersuutit



Atuarfitsialak atuartut suliaannik angusaannillu nalilersuisarnerit naliliisarnerillu pillugit periutsit allanngortinneqarnissaannik piumasaqaatitaqarpoq. Taamaattumik Canadami atuartut angusaannik nalilersuisarnerit pillugit najoqutassiat ukua, tuluttuumit suliareqqillugit nutserneqarput, taamaalillutik aalajangiiviusumik naliliinermi (soorlu karakteriliinermi) uluinnarnilu sulianik nalilersuineri periutsinik allanngortitseqataallutillu ineriartortitsinermut ilapertuutaasinnaaniassammata.


Najoqutassiat tullerriaat makkuupput:

1. Atuartup imminut nalilersornera/naliliiffiginera
2. Atuartoq qitiutillugu ataatsimeeriaatsit
3. Atuartut angusaannik nalilersuineq
4. Portfolio atorlugu nalilersuineq

Najoqutassiat paasiuminartuunissaat pillugu tamarmik immikkut nalilersuineri periutsinik aalajangersimasunik sammisaqarput, kisianni soorunami periuseq ataaseq kisiat immikkoortillugu atorneqarsinnaanngilaq. Assersuutigalugu atuartup imminut nalilersornera/naliliiffiginera tassaa-voq, portfolio najoqutatut atorlugu nalilersueriaatsip ilaa pingaaruteqar- toq, taakkulu ataatsimut tamarmik atuartoq pillugu ataatsimiinnerup atuar- tumillu ataatsimeeqateqarnerup iluatsittumik pitsaasumillu ingerlanissaa- nut iluaqutaasinnaapput.

Najoqutassiat tamarmik inerniliinerit nassuiaataannik tunuliaqutaannillu, isumaliutissanik, aallarnisarnermilu isumassarsiorfiusinnaasunik assersuut- tinillu assigiinngitsunik imaqartinneqarput. Najoqutassiani tamani nali- lersueriaatsit assigiinngitsut imminnut attuumassuteqarneri ersarissaavigi- niarlugit innersuussutitaqartinneqarput.

# „Atuartup imminut nalilersornera / naliliiffiginera“ sunaana?



Atuartup imminut nalilersornera / naliliiffiginera suliaavoq ingerlaavarteq, tassanilu atuartoq nammineq atuartutut imminut ilisarilerartornissamut periarfissaqalissaaq. Tamatumani atuartut:


- namminneq angusaminnik, suliaminnik inernerinillu, atuarnertik pillugu isummersimanerminnik ilikkarusussuseqarnerminnillu isumaliuteqalersissavai
- Sulinermik nalaani namminneq qanoq iliuitsiminnik malussarniarlutillu aqutsisinnaalersissavai
- namminneq suliamik namminnerlu ilisimasamik pitsaassusaannik naliliisinnaalersissavai
- namminneq anguniagassaminnik piviusorsiortunik anguniagassiorsinnaalersissavai
- anguniakkallu taakku anguniarlugit periutsinik pilersaarusiorsinnaalersissallugit



Atuartut imminnut nalilersornerannut / naliliiffiginersarnissaannut ilaapput:

- Namminneq sunik ilisimasaqarnerlutik ilisimaarilissallugu
- Ilisimasallu taakku pitsaassusaannik naliliisinaanngortissallugit
- Ilikkagaqarnerussa-gaannilu suut ilisimasallugit pisariaqarner-sut paasisimalissallugit

# Sooq atuartut imminnut nalilersortassappat/ naliliiffigisassappat ?



Atuartut imminnut nalilersorneri ilinniartitsisut ulluinnarni atuartitsisarnermik eqqarsaatiginisnaanut, paasiniaaffigeq-qissaarnisnaanut pitsanngorsarnisnaanullu atorsinnaavaat.

Atuartut imminnut nalilersornerisa, atuartitsissutaanngitsut ilanngullugit ilinniartitsisut iluaqutisarsivigissavaat. Atuartut imminnut nalilersorneq misilissimalereerpassuk aliasuutitik, puullaqissutitik imaluunniit pissangassutitik pillugit misigissutsitik oqaluttuariumallersinnaagaat ilimanarpoq.

Atuartup imminut nalilersornera naliliiffigeneralu, atuartumik namminermik, angajoqqaanik ilinniartitsisunillu periarfissiisaaq, atuartup nukittuffigisaanik pisariaqartitaanillu pitsaanerusumik paasinninnissamut. Taamaallilluni allannguutissanik atuartup atuartitsissutitigut pitsanngoriarneranik kinguneqartunik iliuuseqarnissamut periarfissiisooqassaaq.

## **Imminut nalilersornerup/naliliiffiginerup atuartoq periarfississavaa:**

- imminut suliami atuartitsissutigineqartullu ilikkagassartaasa paasinisnaanut ineriartortitsinissamut
- nammineq nukittuffigisami, pisariaqartitami siuariaatimilu malugilernisnaanut
- suleriaatsit ingerlaasaasa angusallu inernera nalilersornisnaanut
- naleqqutunik anguniagassiorsinnaanissamut taakkualu anguniarnisnaanut assigiinngitsutitigut pilersaarusiornissamut
- nalilersuinermi naliliinermilu nammineerluni peqataanisnaanut
- nammineq ilikkagaqarnissap akisussaaffiginerata tiginisnaanut
- piginnaasanik inuuneq naallugu atorsinnaasanik ineriartortitsinissaanut

## **Atuartup imminut nalilersornerata/naliliiffiginerata angajoqqaat periarfissavai:**

- nammineq meeqqamik eqqarsaataannik ilikkagaannillu paasisimasaqalernisnaanut
- ilikkariartorneq pillugu meeqqaminnik oqaloqateqarnisnaanut
- meerartik peqatigalugu naleqquttunik anguneqarsinnaasanillu anguniagassiornerissamut


## **Atuartut imminnut nalilersornerat/naliliiffiginerat iluaqutigalugu ilinniartitsisooq paasissutissanik pingaarutilinnik makkununga atorsinnaasaminik pissarsisaaq:**

- atuartut ataasiakkaat pisariaqartitaat malillugit atuartitsissutissanik pilersaarusiorsinnaalissaaq
- angajoqqaanik atuartunillu oqaloqateqarnissamut
- atuartut suleqatigalugit imaqarluartunik piviusorsiornerunillu anguniagassiornerissamut

**Atuartut imminnut nalilersornerisa/naliliiffiginerisa ilinniartitsisoq makkunanga periarfississavaa:**

- atuartut eqqarsaataasa aammalu misigissutsikkut, inooqataanikkut anersaakkullu itisuumik eqqarsaatersornikkut pisariaqartitaasa nukittuffigisaasalu paasisaqarfiginissaannut
- atuartut sulinerat suliniutaallu allamiit isiginissaannut
- assigiinngitsunik periuseqarluni ilikkariartortoqarsinnaanerani paasimasaqalernissamut
- nalilersuinerit naliliinerillu pillugit atuartunik suleqateqalersinnaanissamut

# Atuartut imminnut nalilersortalernissaannut piareersarit



## Inimi atuartitsiviusumi periutsit

Atuartut imminnut nalilersortalernissaat atuartitsinerup ilagilissappagu pisariaqarpoq, atuaqatigiit akornanni makkua ilinniartitsisup pilersissimasagai:

- atuartut namminneq ilikkariartornerminnut peqataatilluinnersimanissaat
- assigiinngitsunik eqqarsaasersorsinnaanerup aammalu ilisimasat ilikkariartornerullu assigiinngitsutigut takutinnissaanut periarfissarsiuussisimaneq
- atuartut akisussaassutsiminnik misigisimanerulernissaat kukkunissaminnullu nangiarisaqarunnaarsimanissaat
- suliart inernerisa assigiinngitsunik nalilersorneqarsinnaanerisa akuerineqarsimanissaa

Atuartut amerlasuut namminneq ilinniarnermik eqqarsaartersuutiginiisaa siornatigut periarfissaqarfigisimannngilaat taamaattumillu aallaqqaammut nuanninngitsut misigisimaqqaasavaat. Suliamimmi avataani nalilerneqartarneri oqaaseqarfigineqartarnerilu tatigissallugit sungiusimavaat, namminnerli naliliinerissanagit. Taamaattumik illit imminnut naammagittarfiginiarlutillu atuartuutitit naammagittarfiginiartari-aqarpatit.


## Atuartut isumaliutigisassaat

Nammineq sulianik nalilersuisarnissap pisariaqartippaa, atuartut ilikkagaqaleriartortarnermik ingerlasarneranik eqqarsaatiginnittalernissaat.  
- Sumut killissimappat – sumut ingerlaqqissappat - qanorlu iliorlutik anguniarneqarsinnaappat.

Eqqarsaatersortalernerup sungiusarnissaa atuartut pisariaqartippaat, taamaallutik namminneq suliaminnik atorsinnaasunik isumaqarluartunillu nalilersuisinnaalerniassammata.

Atuartut isumaliutigisinnaasaannik ilinniartitsisoq siunnersuutitik allattuisinnaavoq.

Isumaliutersussagaanni pisariaqanngilaq kisimiissalluni. Atuartut isumaliutigisatik pillugit imminnut oqaluttuuttassapput, taamaalillutik iliutsit periutsillu allat pillugit tusagaqartarniassammata, immaqqa namminneq isumaliutersuutiminnut atorfissaqartissinnaassavaat.



### Apeqqutit pingaarutillit:

- **Ilisimasat**
  - Una pillugu illit suut ilisimareerpigit ...?
  - Illit suut ilisimalerusuppigit ...?
- **Ikkariartornerup ingerlasarnera**
  - Qanoq iliorlutit suliarigakku ...?
  - Suunuku sulinerit oqinnerulersikkaat?
  - Allatut iliorlutit suliarisimasinnaagaluarpiuk?
- **Suliaq naammassisaq**
  - Suna pitsaava?
  - Suna pitsaanerulersinnaava?
  - Tulliani suna pitsaanerusemik suliariniarpiuk?
- **Siuariartorneq**
  - Illit sulinerpit ingerlanerani eqqarsariartaatsit qanoq allanngorpa?
  - Qanoq ilillutit paasinerlugu nalunngiliuk ...?
- **Siunissami suliassat**
  - Ikkarsimasatit qanoq atorsinnaavigit?
  - Illit nalunngeriikkannut qanoq naleqqutsigippat ...?

Atuartut ilkkariartornermik nalilersortarneranik sungiussiartortillutik piumasaaqatinik aalajangersuisinnaangussapput ilkkariartornermillu ingerlarna namminneq aqullugulu nakkutigisinnaangussavaat.

## Piumasaqaatinik aalajangersaasarneq



Canadami minnerni ilinniartitsisup, atuartitamik atuffarissaanermik sungiusarusuttup, atuartitani peqatigalugit piumasaqaatissat aalajangersarneqarneri siulliullugit suliarisimavai. Peqatigiilutillu qanoq atuffarissuusoqarsinnaanersooq paasivaat. Kingorna atuartut eqimattanut minnerusunut agguarlutik imminnut atuffattaqattaarput, piumasaqaasiatillu atuffasinerit oqaaseqarfiginerinut atorpaat.

Tunngaviusumik suliaq tassaavoq, ilinniartitsinerup ingerlaasissaa qanoq aqunneqartassanersooq qanorlu nalilerneqartassanersooq pillugit ilitersuinermi piumasaqaatissanik ileqqussanillu ineriartortitsinissaaq. Ilaannikkut ilinniartitsisooq tassaasassaaq piumasaqaatissioriarluni kingornatigut taakkunanga atuartunut paasissutissiisartussaaq, ilaannikkulli ilinniartitsisooq atuartunik suleqateqarlunilu sammisassanik pilersaarusiukkamillu suliniutigisassanik taakkulu piumasaqaatitassaannik aalajangersaaqatiginittartussaaq. Atuartut piumasaqaatissanik aalajangersaanermut peqataaneruleriartortillutik, ilinniarnermik imaa isumaqartileraluttuinnassavaat.

Suliitigalutik suliatic piumasaqaasiaminnut sanilliussinnaassavaat, takujumallugu 'illerngit eqqortut' aqputiginerlugit, imaluunniit pilersaarutitik allanngortittariaqarnerlugit siunnerfitsillu allanngortariaqassanerlugu.

Nalilersuinermi piumasaqaatigineqartut pillugit ilisimasatik pingaartumillu taakku qanoq ineriartortitaaneri pillugit ilisimasatik, atuartut fagini, aalajangersimasumik sammisaqarluni suliaqarnermi imaluunniit sammitinneqartut iluini suut pingaaruteqartuunersut, piumasaqaatinik ineriartortitseqataanertik aqputigalugu taakkunanga erseqqissumik paasinninnermik tunineqassapput. Nalilersuineq qanoq ittumik innerneqarumaanersooq pillugu ilisimasaqarnerup, ilikkagaqariartorerup ingerlaasaa tamaat pisuunngorsarpaalusooq.

### Piumasaqaatinik aalajangersaalluni suliaqarnissamut siunnersuutit

- „Angusaqarluarneq“, „sulilluarneq“, „pissuserissaarneq“ oqaatit taakku piumasaqaasiorneqassapput. („Atuffarissooq“, „allallaqqissoq“ suut ilisarnaatigaat?)
- Aalajangersimasumik sammisaqarluni suliaqarnermi, suliassiisutitik, naatsumik allaaserisanik il.il. nalilersuinermi piumasaqaatinik aalajangersaasoqassaaq.
- Isummersooqatigiipallannikkut pitsanngorsaatissanik siunnersuusiortoqassaaq.
- Ilinniartitsisup takutissavaa qanoq atuartup nammineq angusarsaa piumasaqaasianut sanilliunneqarsinnaanersooq.

„Qaqugukkut pikkorit-tuulersarneq“ atuartut assigiinngitsorpassuarnik isumaqarfigisarpaat. Tamanna atuartitsinerup nalilersuinerullu atuartunut ataasiakkaanut sammitinneqalernissaanut atorluarneqarsinnaavoq.

Takuuk aamma: Atuartut angusaannik nalilersuineq.

## Anguniagassiorneq

Anguniagassiorneq tassaavoq siunissami ilikkarumaagassanik pilersaarusi-orneq. Atuartut naleqqutunik anguneqarsinnaasunillu qanoq anguniagassi-ortoqarsinnaaneraniq atuartinneqassapput. Anguniagassiorluni sulinerup nalaani atuartut suut nukittuffiginerlugit suullu pitsanngorsartariaqarnerlu-git eqqarsaatersuutigissavaat. Piumasaqaasiat aalajangersariikkat najoqqu-taralugit, anguniakkat anguniarnerini atortussat suut atussanerlugit paasi-niarlugillu sulinissartik pilersaarusiussavaat.

Takuuk aamma „Angusakka“.

### „Anguniagassiornerup“ ilisaritinnissanut siunnersuutit

1. Atuartitatit qanga kissaatigisaqarsimaneriniq, anguniarlugulu sulisimaneriniq kissaatigisaminnillu angusaqarsimaneriniq eq-qaasaqartinniarsarikkit.
2. Assersuutigisaat atorlugit anguniagassiorlutik sulisimaneriniq paasitinniarlugit atuartitatit nassuiaatikkit. Illit nammineq inuu-ninnit aallaavilimmik anguniagassiorsimaninnik angusaqarsi-maninnillu oqaluttuutikkitt.
3. Qanittoq ungasittorlu isigalugit qanoq anguniagassiorortoqarsin-naanersoq nassuiaatikkit.
4. Atuartitavit anguniagassat angorusutaat allattortikkitt. Taakku ilaat allattarfimmut allakkitt.
5. Piffissap aalajangersimasup iluani angussallugit ajornanngitsu-nik, atuartitatit anguniagassaminnik pilersaarusiorderini ikiuk-ki.
6. Atuartut anguniagassiatik pilersaarusiatiillu misissorlisigit na-leqquttunngortillugillu iluarsartuullisigit.
7. Piffissaq pilersaarutaasoq qaangiuppat, – anguniakkatik angusi-maneraat suullu iluatsinnersut iluatsinnginnersullu atuartitan-nut paasiniarlugit apersuutigikkitt.

## Apeqquiti pingaarutillit

- Anguniakkakka paasiuminarlutillu erseqqippat?
- Anguniakkakka piviusorsiorpat?
- Anguniakkakka anguneqarsinnaappat?
- Anguniakkakka isumaliutigisassat ilisimasassallu tungaaitigut ilikkassallugit atorfissaqartitannut tunngappat?
- Anguniakkakka nalilersuinissami piumasaqaatinik aalajangersakkanik aallaaveqarpat?
- Qanoq ilillunga anguniakkakka angusimanerlugit ilisimassavara?
- Piffissaq qanoq sivisutigisoq atorlugu anguniakkakka anguniassavakka?

Atuartitsissutigineqartar-  
tut allallu assigiinngitsut  
iluini anguniagassio-  
rtarneq atuartut misilittaga-  
qarfigissallugu pisaria-  
qartippaat  
(soorlu ilikkariartorner-  
mut tunngasut, timersor-  
nermut il.il.)

Atuartut anguniagassioereerunik, anguniakkatik anguniarlugit sulinissartik pilersaarusiussavaat. Anguniakkatik pilersaarutit malillugit angusinnaas-  
sanerlugit, imaluunniit pilersaarusiartik iluarsartuuttariaqassanerlugu paa-  
siniarlugu ilikkariartortarnertik eqqarsaatigissallugu periarfissinneqartaria-  
qarput. Anguniagaq angunngitsoorneqarpat, taava qanoq iliorluni angunia-  
gaq anguneqarsinnaanersoq atuartut paasiniartariaqarpat. Anguniagaq pi-  
lersaarut malillugu anguneqarsinnaappat, angusassap tungaanut ingerlaa-  
sissaq qanoq ittuussanersoq aalajangersartariaqarpat.

### Pilersaarut

Ateq: \_\_\_\_\_ Ulloq: \_\_\_\_\_

Uanga anguniagara:

Qanoq iliussaanga?

Piffissaq qanoq sivisutigisoq atussavara?

Kina ikiortigissavara suullu atorfissaqartippakka?

Anguniakkat angugukkit suna pisinnaalersimassavara  
suullu ilikkarsimassavakka?


Ima iliorlunga nuannaarutigissavakka:

Anguniakkat anguniarnerat oqilisarniarlugu ilinniartitsisup atuartut siuari-  
aataat nalilersortarsinnaavai. Apeqqusiat matuma ataami allassimasut ilin-  
niartitsisup atuartumik oqaloqateqarnermini atorsinnaavai imaluunniit na-  
lilersuinermini tunngavigisinnaavai.

### Apeqqutit assersuutit

- Suliat iluatsittussanngorlugit atuartut piumasaqaatit oqaasertalersinnaavaat?
- Suliat iluatsittumik ingerlanneqarnerinut suut pissutaasut atuartut allaaserisinnaavaat?
- Atuartup ilikkagassatigut suut siunissami inerisarfigissanerlugit ilisimavaa?
- Anguniagaq anguniarlugu atuartoq sunik pilersaaruteqar-pa?
- Pilersaarutikka naliliinermi piumasaqaatit aalajangersak-kat tunngavigalugit suliaappat?
- Anguniakkat naleqquppat/equilluarpat?
- Atuartup soqutiginninnera annertusisimava?

# Atuartut imminnut nalilersornerat suliaralugu aallartigit



*„Uanga nammineerlunga akersuuffigereernerata kingorna qanorlu misigisimanarnersoq ilisimale-reerakku, atuartut imminnut nalilersornissaat atuartitsissutigissallugu oqinnerulerpoq.“*

**Canadami  
ilinniartitsisoq**

Logbogimik/ullorsiutiniq atuinissaq ilinniartitsisumut atuartunullu isumassarsiatialaavoq. Taanna makkunanga periarfissiivoq:

- sammisimasat misigisimasallu takussutissaqalissapput
- eqqarsaatit, paasisat isummallu allannguutaat takuneqarsinnaalissapput
- isumaliutigisat misissoqqissaakkallu allaaserisanit immikkoortinneqarsinnaalissapput
- pisimasat, isumassarsiat paasinnitaatsillu isumaliortfigalugillu paasisasqarfiulissarpur
- taamaassorisat isummallu aalajangiusimasat silatusaartumik misissorneqarsinnaalissapput

## Qupperneq avillugu logbogi/ullorsiut

### Allaatigisaq

Allaatigisassat:

- pisimasat / iliuuserisat
- maluginiakkat
- isumassarsiat/  
eqqarsaatit
- skiimat

### Isumaliutersuutit

Misissoqqissaakkat  
nassuiaatillu:

- isumassarsiat, iliuitsit,  
pisimasat pillugit eqqarsaatit misigisallu
- ilinniarnep ineriartorfiunera, isumaliutigisat pillugit oqaaseqaatit
- apeqqutit misissugassat


## Ilinniartitsisoq imaaliorsinnaavoq

- Nammineq suliani qanoq nalilertarnerlugit oqaluttuarsinnaavoq. Nammineq qanoq iliorluni nutaanik ilikkagaqartarnerluni, suullu nalorsarfigisarnerlugit, aamma qanoq iliorluni suliani pikkoriffigilertarnerlugit oqaluttuarsinnaavoq
- Atuartut imminnut nalilersorniarnannut siuarsaataasinnaasunik apeqqutinik ammasunik, atuartut eqqarsaatersorfigisinnaasaannik apeqqusiortoqarsinnaavoq, kingornatigullu apeqqutit taakku qanoq akineqarsinnaaneri siunnersuuteqarfigalugit

### Apeqqutit nammineq nalilersorluni sulineq siuarsarniarlugu najoqqutaasinnaasut

- Suna suli iluamik paasilluanngilara?
- Eqqarsaatikka qanoq iliorlunga oqaatiginiarsinnaavakka?
- Uanga nalunngeriikkannut ukua sutigut attuumassuteqarpat?
- Una pissutigalugu, taava qanoq allatut iliorsinnaavunga?
- Sapaatip akunnerani qaangiutumi makku ilikkarsimavakka ..., makkulu ilikkarnerorusuppakka.
- Uanga uku ima pilersaarusiorpakka ...
- Ukua malugaakka makkulu eqqarsaatigilerpakka ...

- Sammisassamik nutaamik aallartitseqqinnginnermi, atuartut suleqatigalugit naliliinissami piunasaqaatissiortoqartassaaq. Atuartut siuariartornerinut aqutsissutaasinnaasunik nakkutilliissutaasinnaasunillu immersoqatigiinnikkut apeqqusiortoqarsinnaavoq. Piunasaqaatit ilitsersuutillu qanoq atorpeqassanersut takutiguk. Atuartut imminnut nalilersornerannut iluaqutaasinnaasunik, atuartut suleqatigalugit skiimaliorlusilu oqaat-sinik najoqqutassanik allattuigitsi.
- Atuartut pisunik assigiinngitsorpassuarnik periarfissaqartillugit nalilersuisinnaanissaat isumagiuk.



Suliassanik imminut  
nalilersornermut  
atorneqarsinnaasunik  
sammissassiornermut  
atuartut peqataatittakkit.


- Atuartut oqalullutik allattariarsorlutillu nalilersuisinnaanissaat periarfisiguk. Atuartut marlukkaarlutik suleqatigiillutik isumaliutigisatik ilikkakatillu pillugit oqaloqatigiissinnaapput.
- Atuartut eqimattakkaani nalilersuisikkit. Eqimattaniittut suliamicinnik nalilersuisinnaapput eqimattamilu suleriaqqinnissartik pillugu pilersaarusiorlutik.
- Atuartut angusaannik nalilersuisarnerup atuartitsinermit ilaalersillugu eqqunneqarnissaa pillugu angajoqqaat paasissutissikkit. Atuartut namminneq suliamicinnik nalilersuisarnerisa atuartut piginnaasaannut ineriartorerinullu imminnut attuumassutaat nassuiaateqarfigikkit.

### Atuartut sammissassaattut assersuutit

- Illit anguniakkat anguniarlugu sulininni iliuuserisimasat ataaseq siuariarninnut pequtaasoq taajuk.
- Illit suliat misissuataaruk tassanilu ineriartorerit imaluunniit allannguutitit nanillugit ...
- Siusinnerusukkut portfoliotut suliarisimasat nutaanerpaamut sanillersuuguk. Sutigut siuariaateqarsimavit?
- Suliavit suliarinerani eqqarsaatitit allaaserikkit.
- Siusinnerusukkut ilisimasimanngisannik maannakulli paasilersimasannik oqaluttuarit. Illit paasinnilerninnut suna pequtaava?
- Logboginnut/ullorsiutinnut ilikkakatit imaluunniit eqqarsaatitit allattakkit.

# Atuartut nalilersugaat/naliliiffigisaat sumi atorneqarsinnaappat?

---





Pingaartuuvoq, pisuni assigiinngitsuni siunertanilu assigiinngitsuni, assigiinngitsunillu ilusilinnik ersersitseriaaseqarluni atuartut imminnut nalilersornermik suliaqartarnissaat. Tulliuttuni assersuutit allattariarsorluni suliaqarnermi imaluunniit oqallinnermi aallaavittut imaluunniit ilinniartitsisup – atuartullu oqaloqatigiinneranni atorneqarsinnaapput. Assersuutaannaapput taamaattumillu ilinniartitsisunut atuartunullu allanut naleqqussaqaarlugit atorneqarsinnaallutik.

## Logbogi / Ullorsiut

Logbogi / Ullorsiut	
Ateq: _____	Ullaq: _____
Ullumi suna iluatsippa?	
Iluatsinniarlugu qanoq iliorpit?	
Sooruna iluatsittoq?	
Ajornartorsiutit suut iluarsereerakkit iluatsippa?	
Suliassiissutini suliassanilu allani qanoq iluaqutigisinnaavigit?	

## Isumaliutigisassat pullartatut qaffakaasut

Ateq: \_\_\_\_\_ Ulloq: \_\_\_\_\_



## Anguniagaq

### Anguniagassanut skiima

Ateq : \_\_\_\_\_

Atsiortut

Ulloq	Ullumi anguniagassakka	Angusakka	Angungajatakka	Angunngisakka	Atuartoq	Ilinniartitsisoq

## Suliaq/sammisaq naammassisaq

### Atuartup imminut suliaminik/ sammisaminik nalilersuinera

Ateq: \_\_\_\_\_ Ulloq: \_\_\_\_\_

Suliaq/Sammisaq: \_\_\_\_\_

Suliassamik/sammisamik nassuiaat:

Tupaallaatiginerpaasakka ukuupput:

Iisimasaqarfiginerulerusutakka:

Taakku suliareqqissagukkit imaaliorusuppunga:

Allanut taakkunanga suliaqartussanut siunnersuutigerusutat:

Uanga ajornartorsiorfiginerpaavara:

Imaaliorlunga iluatsippara:

Isumaga malillugu pitsaanerpaatitara:

## Angerlarsimaffimmut nalunaarutit

### Atuartup sapaatip akunnikkaartumik isumaliutigisassai

Ateq: \_\_\_\_\_ Ulloq: \_\_\_\_\_

Sapaatip akunnerani uani ilikkakkama soqutiginarsaraat:

Soqutiginarpoq pissutigalugu:

Matematikkimi ilikkarpakka:

Ukuli suli ilikkanngilakka:

Sapaatip akunnerani uani apequtigita torraanerpaaq:

Sapaatip akunnerani uani nalunarnerpaatitara:

Pingaartumik una nuannaraara:

Pissutigalugu:

Misilillugu pitsanngorsarniagassakka:

Angajoqqaat oqaatigiumasaat:

## Suliassaq - assersuut

### Maskiinamik nutaamik nassaarit

#### Sammissassaq

Maskiina nutaaq ataatsimik arlalinnilluunniit aalasinnaasunik atortulik sanasiuk. Maskiina pisariaqartitaq ataaseq imaluunniit ajornartorsiut ataaseq sularisinnaassavaa

#### Piareersarnermut siunnersuutit (ilinniartitsisoq atuartut peqatigalugit)

- Maskiinat nalinginnaasut takutikkat oqaluttuaralugillu.
- Maskiinamik nassaarnikkut ajornartorsiutinik iluarsineqarsinnaasunik ujartuigitsi

#### Atuartunut siunnersuinerup imarisinnaasai

- Maskiina sumut atugassiaanera, atortussiat atoqusaasut maskiinallu ilusilersugaanera eqqarsaatigalugit atornissaa pilersaarusiorsuuk

#### Nalilersuinermi piumasaqaatit tunngaviusinnaasut pillugit assersuutit

- Pisariaqartitaq ajornartorsiulluunniit allaaserineqareerpoq
- Maskiina pisariaqartitaq naammassivaa imaluunniit ajornartorsiut iluarsivaa
- Ikinneerpaamik ataatsimik maskiina aalasinnaasortaqqarpoq.
- Atuartut pisariaqaleraangat ikioqqusarput

#### Allanngorartitsinerit annetusaanerlu

- Ukiut 100-t matuma siornatigut atugaasimasinnaasunik imaluunniit ukiut 100-t qaangiuppata atugaalersussamik maskiinallioritsi.
- Illup iluani sulianik oqinnerulersitsisunik maskiinamik atortorissaarusioritsi
- Maskiinalliaris atuaqatinut takutissiuk

## Angusannik nalilersuinera

Ateq : \_\_\_\_\_ Ulloq: \_\_\_\_\_

Suliaq/sammisaq: Maskiinamik nassaarsiorneq

1. Naliliinermi piumasaqaatit ukua naammasivakka:

2. Soqutiginarnerpaatippakka:

3. Nalunarnerpaatitakka:

Pissutigalugu:

4. Uanga angusakka makkuupput:

Pissutigalugu:


5. Taakku sammeqqissagutsigit imaaliussaanga:

Pissutigalugu:



Takuuk aamma: Portfolio atorlugu nalilersuineq

# Portfolio atorlugu nalilersuineq



**Portfolioliap imaata saqqaa**

Ateq : \_\_\_\_\_ Ulloq: \_\_\_\_\_

Sammissaq: \_\_\_\_\_

Atuartup oqaaseqaatai:

Suliassanik taakkunannga toqqaaninnut pissutigisakka marluk:

Kissaatigaara makku malugissagitit:

Tullissaani imaaliussaanga:

Oqaasissat allat:

Atsiortoq: \_\_\_\_\_ Ulloq: \_\_\_\_\_

**Ilinniartitsisup oqaaseqaatai:**

Maluginiakkekka pitsaasut marluk:

Una pitsaanerulersinniarlugu sularisariaqarpat:

Oqaasissat allat:

Atsiortoq: \_\_\_\_\_ Ulloq: \_\_\_\_\_

**Piumassuseqqortussuseq**

Suliassaq nalunaruortoq naam-massillugu sularigakku tamatuma piumassuseqqortussusera takutippaa. Uanga ukua assut sulariaqarfigaakka:

\_\_\_\_\_

\_\_\_\_\_

**Suliap ingerlanera**

Suliama inaarsannginnerani isumassarsiakka qanoq sularisimane-rikka matuma takutippaa. Maluginiakkit:

\_\_\_\_\_

\_\_\_\_\_

**Nutaaliorsinnaassuseq**

Matuma nutaaliorsinnaassusera takutippaa. Maluginiaruk:

\_\_\_\_\_

\_\_\_\_\_

\_\_\_\_\_

**Tanngassimaarutigaara**

Una tanngassimaarutigaara pissutigalugu:

\_\_\_\_\_

\_\_\_\_\_

\_\_\_\_\_

**Pitsanngoriaat**

Matuma takutippaa uani qanoq pitsanngoriartigisimanagera:

\_\_\_\_\_

\_\_\_\_\_

\_\_\_\_\_

## Atuartoq qitiutillugu ataatsimiinnerit

Skiima una ilinniartitsisut, angajoqqaat atuartullu akunnerminni oqaloqatigiinnerminni aallaavittut atorsinnaavaat.

### Skiima atuartup imminut nalilersornermini atugassaa

Ateq: \_\_\_\_\_ Ulloq: \_\_\_\_\_

Fagi: \_\_\_\_\_

1. Piffissami matumani ilikkakka pingaernerpaat:

2. Ajunngitsumik angusaqarfigisimasara:

Ajunngitsumik angusaqarpunga, pissutigalugu:

3. Una pitsanngoriarfigisimavara:


Pitsanngoriarsimavunga pissutigalugu:

4. Una pitsaanerulertittariaqarpara:

Nalunngilara pitsanngorsartariaqartoq, pissutigalugu:

Imaaliorlunga pitsaanerulertissavara:


# Isumaliutigisassat



Atuartut namminneq ilinniarnertik, namminneq eqqarsartaasertik suleriaasertillu pillugit isummersorsinnaalerlutillu oqaluttuarsinnaaleraangamik aamma namminneq angusatik aallaavigalugit anguniagassiorsinnaalersimagaangamik, taava namminneq ilinniarnerminnik pitsaanagerusumik paasinnissinnaalersimasarput namminnerlu siuariartornissamik angusamillu inernerinik akisussaaneq tigusinnaalertarlugu. Nammineq imminut namminerlu sulianik nalilersuisinnaaneq tassaannaangilaq piginnaassuseq taamaallaat atuarfimmi atorneqarsinnaasoq, aammattaarli tassaavoq inuunerup ilaani allani atorfissaqartoq.

# Oqaatsit atukkat allassimaffiat

---



## **Nalilersuineq**

Atuartut ilikkariartorneri, ilisimasaat, sunik piginnaasaqarneri, sunillu ili-uuseqarniartarneri pillugit ilisimasani katersuinikkut aqqissugaasumik suleriaaseq.

## **Naliliineq**

Atuartut ilikkagaat pillugit nalilersukkanit katersukkat nassuiaatit atorgit aalajangigassani aalajangiillunilu naliliineq. Inniartitsisoq atuartorlu tamarmik immikkoorlutik imaluunniit akunnermini suleqatigiillutik naliliinertik ingerlassinnaavaat.

## **Angusaniq nalilersuineq**

Tassaavoq atuartut piginnaasaminnik takutitsinerat tunngavigalugu nalilersuineq. Aammattaaq suliaassitit ataasiakkaat angusaqarfigineqarnerinik nalilersuineri nassuiaatit oqariartaaseq taanna atorneqartarpoq. Nalinginnaanerusumik sulinerup ingerlanerani inernerinillu nalilersuineri nassuiaaneri atorneqarsinnaavoq.

## **Portfolio**

Siunertamut naapertuuttumik piffissallu aalajangersimasup iluani atuartup suliniarsimanerani, siuriaataanik suliallu inernerinik ersersitsisunik, atuartut suliarisimasaannik katersat.

## **Portfoliomik nalilersuineq**

Periusaavoq atuartut ilisimasaannik ilikkarsimasaannillu naliliinissaq siunertaralugu atuartut suliarisimasaannik ataatsimut katersuineq.

## **Nalunaarusiaq Karakteriliinerlu**

Ileqqussaniq malittarisassanillu aalajangersakkanik tunngavilinnik aalajangiiviusumik nalilikkaniq naliliinernillu saqqummiussinerit. Tamanna nalunaarusiornikkut siunertup piarsariikkamik pisinnaavoq imaluunniit iluarinerusamik iliornikkut pisinnaavoq.

## **Atuartup inuttut imminut nalilersornera/naliliiffiginera**

Atuartup piffissami ingerlaavartumi nammineq imminut atuartut angusaminik, suliaminik inernerinillu, sulianut isummersornerinik ilikkariartornerinillu eqqarsaatiginninnermigut imminut ilisarileriarternissaa.

## **Atuartoq qitiutillugu ataatsimiinneq**

Atuartup atuarnera/ilikkariartornera pillugu inniartitsisoq/sut, angajoqqaat atuartullu ataatsimeeqatigiinnerat.



Takukkit aamma: Angusakka

